

GIPUZKOAKO HIRI HONDAKINAK KUDEATZEKO 2019-2030 PLAN OROKORRAREN (2019-2030 HONDAKIN PLANA) FORU ARAUAREN AURREPROIEKTUA EGITEA.

Ingurumen Zuzendaritza Nagusia hondakinen plan berria izapidetzen hasi da, Gipuzkoako Batzar Nagusiek, foru arau bidez, onartuko dutena **-Gipuzkoako Hiri Hondakinak Kudeatzeko 2019-2030 Plan Orokorra (aurrerantzean 2019-2030 Hondakin Plana)-**. Aurreikuspenen arabera, prozesu horrek hilabete iraungo luke eta datorren urteko otsailean amaituko litzateke.

2019-2030 Hondakin Planak bere lurralde esparruan hiri hondakinak kudeatzeko helburu estrategikoak ezarriko ditu. Helburu estrategiko hauen oinarria da prebentzioa eta ekonomia zirkularra errealitatea izatea Gipuzkoan.

2019-2030 Hondakin Planaren izapidetze prozeduran kontuan izango da derrigorrez bete beharreko lege esparrua, eta bertan sartuko dira, aldi berean, **informazio, kontsulta eta partaidetza publikorako** bideak:

1.-Foru Arauaren aurreproiektua jendaurrean jartzea.

6/2005 Foru Arauak, uztailaren 12koak, Gipuzkoako Lurralde Historikoaren Erakunde Antolaketa, Gobernu eta Administrazioari buruzkoak, 9.3 artikuluan ezarritakoaren arabera, lurralde osoari dagozkion sektoreko plan bereziak foru arauen bidez erregulatuko dira.

2019-2030 Hondakin Planaren Foru Arauaren aurreproiektua hasierako onespina eta gero (2018ko uztailaren 25eko GAO), **Ingurumen Zuzendaritza Nagusiak jendaurreko informazio eta entzunaldiko 45 egun baliouduneko aldia irekiko du**, eta, epe horren barruan, edozein pertsonak aurkeztu ahal izango ditu **alegazioak**.

- 2019-2030 Hondakin Planaren Foru Arauaren aurreproiektua:
 - [Foru Arauaren Aurreproiektua](#)
 - [2019-2030 Hondakin Plana](#)
 - [Eranskina 1](#)
 - [Eranskina2](#)
 - [Eranskina3](#)
 - [Eranskina4](#)
 - [Laburpen exekutiboa](#)
 - [Ingurumen Azterketa Estrategikoa](#)

- Jendaurreko informazio eta entzunaldiko epea: [2018ko uztailaren 26tik irailaren 28ra arte](#).

- Alegazioak Ingurumeneko Zuzendaritzari helaraziko zaizkio prozedura hauetako baten bidez:
 - Ingurumeneko Zuzendaritza zuzenduta posta arruntaz,
ingurumenzuzendaritza@gipuzkoa.eus helbidera elektronikora posta

elektronikoz, edo Gipuzkoako Foru Aldundiaren erregistroan aurkeztuz (Gipuzkoa Plaza z/g 20.004 Donostia).

- Idazkia bide elektronikoz erantsiz, [Gipuzkoako Foru Aldundiko Egoitza Elektronikoa](#). Horretarako, Gipuzkoako Foru Aldundiak emandako pasahitz operatibo bat edo sinadura elektronikoko balioztatu bat beharko da.

2.- Deliberaziozko partaidetzaren prozesua.

1/2010 Foru Arauak, uztailaren 8koak, herritarren partaidetzari buruzkoak, ezarritakoaren arabera, foru arauen aurreproiektuak prestatzeko lanetan, horien xedea garrantzi bereziko gaiak direnean, hiri hondakinen kudeaketa gaia den bezala, herritarren partaidetzaren prozesua egingo da. Horregatik planak, hasieratik, **deliberaziozko partaidetzaren prozesu** bat jasotzen du. Prozesu horretan hainbat eragile sozial eta instituzionalek hartzen dute parte, plana prestatzeko eragile horien ekarpenekin dokumentua aberastearren eta horrela gobernu ekintzetan gardentasuna areagotzeko. Horretarako, **protokolo** bat prestatu zen, aipatutako prozesuaren oinarriak ezartzen dituen, eta **Herritarren Partaidetzarako Foru Zuzendaritzak onartu duena (2018ko uztailaren 25eko GAO)**.

Herritarren Partaidetzarako Foru Zuzendaritzak ireki zuen partaidetzazko deliberazio prozesuan izena emateko epea amaitu eta gero, aktiboki parte hartzeko saioak irailaren lehenengo hamabostaldian hasi dira eta 2018ko abenduan prozesua amaitzea aurreikusten da.

Hondakinekin lotura zuzena duten eragileekin aurrez aurreko saioez gain, on-line plataforma bat erabili ahal izango da. Honen bidez, edozein pertsonak bere ekarpenak egin ditzake, aurrez aurreko saioekiko paraleloan, eta horrela, prozesuan zehar sortutako argibide osoa eskuratu dezake.

- Deliberaziozko partaidetza prozesuaren protokoloa: <https://egoitza.gipuzkoa.eus/gao-bog/euskera/gao/2018/07/25/e1805412.htm>
- [Herritarrentzat on-line parte hartzeko Plataforma](#):

3.- Ingurumen ebaluazio estrategiko arruntaren prozedura.

21/2013 Legeak, 2013ko abenduaren 9koak, Ingurumen ebaluazioari buruzkoak eta **211/2012 Dekretuak, 2012ko urriaren 16koak, planen eta programen ingurumen ebaluazio estrategikoaren prozedura arautzen duenak** xedatutakoarekin bat etorritik, hondakinen planek ingurumen ebaluazio estrategiko arrunta izan behar dute nahitaez, eta, beraz, ingurumen azterlan estrategiko batekin batera tramitatuko dira.

Ingurumen Zuzendaritza Nagusiak, alde z aurreko kontsulten tramitea amaitu eta gero, Gipuzkoako Hiri Hondakinak Kudeatzeko 2019-2030 Plan Orokorren Irismen Dokumentua igorri du.

- 2019-2030 Hondakin Planaren irismeneko dokumentua: <http://www.gipuzkoaingurumena.eus/eu/-/gipuzkoako-hiri-hondakinak-kudeatzeko-2019-2030-plan-orokor-1>